

## Мулоҳаза учун мавзу

Тўйлар хусусида гап борар экан, яна ўша мавзуми, дея хаёлга борарсиз балки. Лекин сўз юритадиганларимиз кечаги кун эмас, аксинча, айнан бугунги кун ёшлари, келажакимиз эрталарининг ўзгарган дунёқарашлари, асл ўзбеклигимизни англлатувчи урф-одатлар тўғрисидадир.

Миллатнинг жонкуяр фарзанди Маҳмудхўжа Беҳбудий тўйларга нисбатан шундай таъриф берган эди: "Бизни келмиргувчи иллатлар деганда, захму маразмими гумон этарсиз? Ёинки, сил ва махавликними дерсиз? Йўқ, андан ҳам ямонроқ ва андан ҳам жонхарош, бевоё, хонавайрон ва ғариб этгувчи бир дард, биз — туркистонийларни шаҳри ва қишлоқи ёйинки ярим маданний, ярим ваҳший синфларимизгача истило этиб, бутун триклигимизга сорилгон ва бизни инқирозга ва таҳликага ва жаҳаннамга юмалататургон тўй, азо исминдаги икки қаттол душманни дерман."

Дарҳақиқат, миллат маърифатпарварининг куюнчаклик билан айтган бу сўзлари 100 йил ўтиб ҳам долзарблигини йўқотмаган. Мен сендан кам эмасман, деб тўйни кимўзар пойгага айлантираётганлар, икки ёшнинг бошини қовуштириш баҳона атрофдагиларга ўзининг молу давлатини кўз-кўз қилмоқчи бўлганлар айнан бизнинг орамизда кўплаб топилди.

Куни кеча барча ОАВ воситалари ва ижтимоий тармоқлар орқали дабдабага бурканган тўйларни қисқартиришлар борасида роса бонг урилган, қанчадан қанча ишлар амалга оширилишига қарамай, кўзга кўринарли натижага эриша олмаган эдик. Дабдабали тўйларимиз ҳатто бизни тинч ҳаётимизга ҳам дахл қилаётган эди.

Айни кунларда бутун дунё оғир бир вазиятни бошидан ўтказмоқда. Ҳар бир банда турли синовлар қаршисида турибди. Мана шундай мавжуд вазиятни ёшларимиз ҳам тўғри қабул қилиб, карантинга риоя қилган ҳолда никоҳдан ўтишни бошлашди. Бу дегани, биз ҳар қанча ҳаракат қилиб ҳам қисқартира ол-

маган тўйларимизни ҳаётнинг ўзи йўлга солиб берди.

Дунёқараш  
ўзгарган  
ёшлар

Олмалик шаҳар ФХДЁ бўлимига борганимизда, у ерда янги ҳаёт бошлаш арафасида ариза топширгани келган ёшларни учратдик ва улар билан суҳбатда бўлдик.

Сайфиддин Маҳмудов ва Муҳайё Тўхтамуродовлар биз билан суҳбатда, карантин вақтида 30 кишидан иборат яқинлари даврасида ихчамгина тўй қилишни режа қилганларини ва бу хулосага айнан икки ёш биргаликда ота-оналари билан маслаҳат қилишган ҳолда келишишганини айтишди.

- Биз учун муҳими дабдаба эмас, энг кераклиси, бахтли ҳаёт қуришдир. Уни қуриш учун эса ҳашам шарт эмас, аксинча, ота-оналаримиз дуо-си ва бизни бахтимизни кўриб қувонишларининг ўзи етарли. Яхши ниятда яхши амалга қўл урдик. Ихчамгина тўй ўтказиб, ундан иқтисод қилинган пулга уй-жой олиб, яшаш учун қулай шароит яратишни мақсад қилганмиз, - дейди бўлажак куёв Сайфиддин Маҳмудов.

Сиз жаннатга  
эмас, ҳаётга  
кетяпсиз...

Келин-куёвларга ширингина бахт тилаб, шаҳар ФХДЁ бўлими раҳбари Саодат Мирзаирова суҳбатига ошиқдик. Улар билан бўлган суҳбатимиз ҳам карантин вақтидаги тўйлар ва ажримлар хусусида кечди.

- Республика махсус комиссиясининг ахборотига

асосан, амалдаги карантин талаблари 15 июнга қадар узайтирилди.

"Яшил" ҳудудларда қўшимча равишда, оилавий тантана, тўй, маърака ва маросимларни фуқароларнинг уй жойи ва ҳовлисининг ўзида 30 кишидан кўп бўлмаган (фақат яқин қариндошлар ва ушбу туман ҳудудида истиқомат қилувчи бошқа қариндошлар) ҳамда санитария ва гигиена

коҳ гувоҳномаси тантанали тақдим этилмоқда, - дейди шаҳар ФХДЁ бўлими раҳбари С.Мирзаирова.

Карантин вақтида ҳам ҳодимларимиз томонидан навбатчилик асосида иш ташкил қилинган бўлиб, жорий йил май ойида 58 нафар жуфтликларнинг никоҳлари қайд этилди. Бизга шу кунгача ариза топширган ёшларнинг 70 фоизи ихчамлаштирилган тўйга рози бўлишиб, ҳаракатни бошлаб юборишган.

Яна бир қувонарли жиҳатни ҳам айтиб ўтиш жоиз. Айни кунларда ажримлар сони кескин камайган бўлиб, пандемия сабаб ўрганишнинг кечиктирилиши баъзи оила-ларнинг ярашишига сабаб бўлмоқда.



*Бир ёмоннинг бир яхшиси...*

талабларига қатъий риоя этган ҳолда ўтказишга рухсат берилди.

Ўз навбатида карантин даврида оилавий тантана, тўй, маърака ва маросимларни ўтказишнинг белгиланган талабларини бузган шахслар эпидемияларга қарши кураш қоидаларини бузганлик учун маъмурий жавобгарликка тортилади.

Олмалик шаҳар ФХДЁ бўлимига никоҳ қайд этиш юзасидан келин-куёвларимиз ариза билан мурожаат этишяпти. Улар билан ўтказилган суҳбатда, доимий равишда ўтказиладиган савол-жавобдан ташқари, бугунги кундаги вазиятдан келиб чиқиб, пандемияга қарши кураш қоидаларига амал қилиш тартиби алоҳида тушунтириб ўтилмоқда.

Бўлғуси келин-куёвларни тушқунликка тушмасликлари, руҳиятини янада ошириш мақсадида, вилоятимизда ягона бўлган бўлимимизнинг тантаналар залида келин-куёв ва гувоҳлар иштирокида, оила қурувчиларнинг биринчи ҳужжати ҳисобланган ни-

Бўлғуси  
келин-куёвлар  
учун онлайн  
дарслар

Турмуш остонасида турган ёшларга ҳаёт сабоғидан тавсиялар бераётган Республика "Оила" илмий-амалий тадқиқот маркази шаҳар бўлимаси раҳбари Баҳринисо Тангирова билан суҳбатни давом эттирар эканмиз, улардан ҳам ёшлар учун қизиқарли маълумотлар олишга муваффақ бўлдик.

- Карантиндан аввал бўлажак келин-куёвлар учун марказимиз томонидан иқтисодий, психологик, диний ва тиббий билимлардан иборат ўқув дарслари ташкил қилинган эди. Ҳозирги шароитда эса биз уларга ушбу ўқув курсини онлайн ташкил қилдик. Яъни гуруҳ ташкил этилган бўлиб, ушбу гуруҳ орқали шаҳар имом хатиби, маҳаллалардаги намунали МФИ маслаҳатчилари, психолог, гинеколог ва уролог каби мутахассисларимиз ёшларимизга керакли тавсияларни

видео ва аудио кўринишда бериб бормоқда. Шунингдек, республика "Оила" илмий-амалий тадқиқот маркази психологининг аудио файллари гуруҳларда ёшлар учун мунтазам тавсия этиляпти.

Ихчам тўйнинг  
туҳфалари

Маълумот ўрнида шуни айтиш жоизки, "Тинчлик" МФЙда истиқомат қилувчи Тожинисо Жонталиева ўғлини уйлантирмоқчи эканлигини, ҳар иккала қуда тараф ҳам 30 кишидан иборат тўйга рози бўлишгани ва бўлажак куёв Ислон Каримов номидаги Тошкент Техника Университети Олмалик шаҳар филиали талабаси бўлганлиги боис, тўйдан иқтисод қилинган пулга, куёвнинг контракт пулини тўлашга келишиб олишганини билдиришди. Шунингдек, "Олтин" МФЙда истиқомат қилувчи Умрқул Мирзавалиев ҳам ихчам тўй ўтказиб, иқтисод қилинган пулга автоулов олишни режалаштирибди.

Усмон Носир ҳамда Муқимий маҳаллаларида истиқомат қилувчи ҳамшаҳарларимиз Муҳайё Раҳимова ва Ойбек Эргашевлар ҳам жорий йил 12 июнь куни турмуш қуришаётганини маҳаллага маълум қилиб, оила аъзолари билан келишган ҳолда 30 кишидан ортмаган ихчам тўй ўтказиш ва иқтисод қилинган пуллар эвазига рўзғор камчиликларини тўлдириб, кейинчалик автоулов олиш ниятида.

Хулоса шуки, ёшларимизнинг тафаккури, фикри, дунёқарашини ўзгармоқда.

Бу каби ижобий ўзгаришлар, нафақат, карантин даврида, балки карантиндан сўнг ҳам давом этишига умид билдириб қоламиз.

Тўйларини нишонлаётган ёшларимизга бахт тилаб, бахт - бу дабдаба ёки 500 кишилик базм эмаслигининг жонли мисоли бўлишади, деган дуодамиз. Карантиндан кейин ҳам шу хайрли анъанани давом эттириб, исрофни бир четга суриб, тўйлар қилишса яхши бўларди.

**Дилдора  
АБДУРАҲМОНОВА.**